

BOMBEIROS SELEBRA ANIVERSARIU BA DALA SANULU RESIN LIMA

Díli- Quinta-Feira 30-04-2015 Bombeiros Timor-Leste celebra Aniversário ba dala sanulu resin lima (xv), iha Diresaun Nasional Protesaun Sivil, Kaikoli Díli Timor-Leste.

Iha aniversariu ne'e, Ministru Interior hato'o nia Parabens ba Bombeiros Timor-Leste no iha okaziaun ida ne'e mós Ministru Interior DR. Longuinhos Monteiro hato iha nia diskursu katak, ohin ita mai hamutuk iha fatin ida ne'e mai la'os tan buat seluk, maibe atu mai sai sasin hodi celebra aniversáriu Bombeiros nian.

aniversáriu ne'e tuir lolos hala'o iha semana kotuk, dia 23 maibe iha kestoens téknika entaun ita hala'o fali iha loron ohin, servisu Protesaun Sivil servisu ida ne'ebé maka importante iha komplementu ne'ebé tutela iha Ministeriu Interior ninian, iha intervensaun balu husi Diretores Nacionais, Diretores Gerais hau admira no espirtu sakrifisiu ho komprimisiu ho dedikasaun ho Diretores Gerais servisu operasionais no servisu korporativu sira ne'ebé maka uluk sai fundadores hodi hari ita nia Protesaun Sivil, ho ita nia Bombeiros, hau apresia tebes ho sira nia esforsu ne'e, se la'os ho sira nia esforsu ita la hamrik iha loron ohin ne'e, mezmua ita sei falta buat barak fiar katak ba oin ita sei bele hadia buat sira ne'ebé maka ita falta ne'e". MI hato iha nia diskursu.

Ministeriu Interior iha ninia organizasaun foun ne'ebé iha tempu besik, sei lori ba Konsellu Ministru atu bele aprova no ita tenki iha mekanizmu foun ida iha koordenasaun servisu Protesaun Sivil ninia maka hanaran, Autoridade Nasional Protesaun Sivil, autoridade sira ne'e sei lidera direktamente husi Diretor Geral, no autoridade ida kualker kestaun emerzencia iha ambitu protesau sivil ninia dezastre naturais kualker saida deit iha intervensaun ambitu ne'ebé hanesan, só autoridade ida ne'e maka koordena valensia estadu nian, iha ambitu protesau sivil problema jestaun husi instituisoes sira seluk ne'ebé maka atu inkorpora iha ita ninia komponente tomak protesau sivil ninia hanesan, Forsas Armadas, ho instituisoes sira seluk sei tama inkorpora iha autoridade nasional ida ne'e maka ita servisu tenki hatene tuir ida-idak nia responsabilidade oinsa maka atu koordena, normalmente hanesan ho instituisaun governu sira seluk hanesan MSS ho Minteriu Saúde.

Durante seremonia aniversario ne'e, iha Diskursu Diretor Geral Servisu Operasionais Sr. Dominigos Pinto mos haktuir katak, uluk nanain hau nia respeitu no boas vindas ba ita bo'ot sira hotu ne'ebé dispensa ona ita bo'ot sira nia tempu hodi mai hamutuk ho ami iha fatin ida ne'e. Iha oportunidade ida ne'e ami mós hakarak hato'o tan lia fuan ruma kona-ba situasaun ho dezvoltamentu Bombeiros iha TL ba S.E. Ministru Interior ne'ebé ba dala uluk hamutuk ho ita iha komemorasaun Aniversáriu Bombeirus TL nian ba dala sanulu resin lima (xv). Hau akompaña ituan kona-ba kna'ar Bombeiros nian tanba molok sai hanesan diretor geral servisu operasionais (DGSO), ne'ebé maka tutela direita ba iha DNPC ho Bombeiros ho diresoes operasionais 2 seluk DNSPP no DNPCC, uluk hala'o kna'ar hanesan Diretor ba DNPC ho Bombeiros durante tinan 10 nia laran hahu iha Julhu 2005 to'o entrega ba Sr. Diretor foun iha Fevereiro 2015.

Exelensia ho distintos konvidados hotu, iha fatin ida ne'e ho okasiones hanesan maka hau hato'o bebeik ona hau nia preokupasaun hanesan Diretor DNPC nian iha tempu hirak liu ba kona-ba dezvoltamentu ita nia servisu Bombeiros nian ne'ebé la akompaña ho dezvoltamentu fiziku ne'ebé la'o lalais tebes iha ita nia rain, ita hatene katak, bainhira dezvoltamentu fiziku lao makas iha ita nia rain, ita sei lori mós risku bo'ot ba ita nia a'an, no ita iha prekupasoes ne'e hahu hatudu dadauk ona ho insendios ne'ebé ho eskala bo'ot hanesan iha armazem Globus Akadiruhun, foin lalais

Sesta dader liu ba (24-04-15) iha Audian, no ba material hirak ne'ebe mak seidauk to ba iha kestões barak ne'ebe mak sei preukupa hela bele resolve tuir dalan ne'ebe mak ita hotu hakarak". hatete Diretor Geral Servisus Operasionais. Iku Pires

